



- **EDITORIAL • RÂL VÊNGTU**
- » **BOARD LEH COMMITTEE HRANG HRANG AN THU**
- » **RAM PUM HUAP KOHHRAN PAVALAI PAWL INTAWH KHAWM**
- » **MODERATOR-IN BANGALORE MIZO KOHHRAN LEH UTC A TLAWH**

RNI 68092/83

From

Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII No. 11

E-mail: synodnews@gmail.com A man ₹1/-

NOVEMBER 2022

LÂWRKHAWM

ZIRLAIBU LEH CALENDAR

Kum 2023-a Puitling Sunday School zirilaibu tur 'Kristiante Rinna Vawn Him' Rev. Rosiamliana Tochwawng ziah chu a chhuak ta a, ₹110 man a ni. Synod Calendar (Phek 6 chi) pawh lei theih a ni ta.

MASIHI SANGATI CONVENTION

October ni 14-16, 2022 chhûng khân Masihi Sangati Convention vawi 32-na chu Durtlâng Kohhranah tluang taka hman a ni a, thupui 'Tho la, êng rawh' (Is 60:1) tih chu speaker Rev. P.C. Rohliran tum thum a sawi. Palai riak lut 1,379 leh llang kal 3,500 an awm.

SOCIAL FRONT CAMPAIGN

October ni 22&23, 2022 khân Ramhlun Bialah Social Front Campaign neiin campaigner-te – Rev. V.L. Luaia Hranleh, Executive Secretary; Rev. Dr. Lâwmsânga, Rev. Rosiamliana Tochwawng, Upa Peter Zohmingthanga leh Pu R. Lalnuntluanga, Co-ordinator-te an kal.

PRESBYTERIAN ENGLISH SCHOOL

Oct. 19, 2022 (Nilaini) khan Rengdil Kohhran Centenary Hall-ah PES pariat tan **One Day PES Teachers' Training** neiin niin thawktu 77 an kal a, heng bakah hian Rengdil Bial vawngtu Pastor leh a thlengtu PES Management Board member 10 an tel baw. One Day Teachers' Training-ah hian Synod Office atangin Upa PC. Vânlalhruaia, Supervisor of Schools leh Pu Lavêna Hnamte, Resource Person-te an kal.

BRU CONVENTION

Bru Convention vawi 5-na chu October ni 28-30, 2022 chhûng khân Damparêngpuiah hman a ni a, Speaker chu Rev. Benny Lalmawia, Tanhril Bial vawngtu a ni. Convention hman pui hian Synod Mission Board atangin thawktu 5 an kal.

BOARD LEH COMMITTEE HRANG HRANG AN THU

Synod Inkhâwmpui atâna Synod Department hrang hrang inruahman lâwkna committee chu October ni 17 (Thawhtanni) khân thut tan a ni a, October ni 31 (Thawhtanni) khân Trust Committee a thu a, November ni 1 (Thawhlehi) khân Social Front Committee a thu a, Secretary report-ah International Day Against Abuse & Illicit Trafficking programme-ah Synod aiawha tel thu te, Naksha Mukht Abhiyaan District Committee-ah Synod aiawha tel thu te, Cement Mistiri Training neiin a nih thu te leh rawngbâwlna hrang hranga feh chhuah thu te târ lan a ni. Tun tumah hian thurêl tûra chhawp chhuah 17 a awm.



November ni 2 (Nilaini) khân Worship Committee an thu a, Secretary-in report a pe a, hripui avânga music class chawlh a nih hnuah Music Class tan a nih leh tawh thu te, Kristian Hla Bu leh Naupang hla en nawn chungchâng te, Aizawl hmâr lama Music School hawn thu te, Bachelor of Music zir sponsor thu te, zaipâwl hruaitu training chungchâng te, kohhran leh bial hrang hranga rawngbâwla chêt chhuahna

hrang hrang târ lan a ni. Tun tumah hian thurêl tûra chhawp chhuah 10 a awm. November ni 8-10, 2022 chhûng khân Synod Executive Committee a thu a, member 151-ah 135 an kal.

Synod Inkhâwmpui atâna inruahman lâwkna committee hrang hrang hi Synod Moderator-in kaihruiin, Secretary report-te ngaihthlâk a ni a, department budget 2023-2024 ruahmanna siam thin a ni baw.

RAM PUM HUAP KOHHRAN PAVALAI PAWL INTAWH KHAWM

Sept. 30-Oct. 2, 2022 chhûng khân Ram Pum Huap Kohhran Pavalai Pâwl Intawh Khawm vawi 5-na chu Mission Vêngthlang Kohhran Biak In, Aizawl tluang taka hman a ni a, thupui chu 'Pathian thu awih' (1 Sam 15:22) tih a ni.

Thupui hi Rev. Dr. Vânlalngâka Râlte, Synod Moderator; Rev. C. Zoramawia, Senior Executive Secretary; Rev. R.C. Lalngâkiana, Revival Director leh

Revival Committee member – Rev. B. Zohmangaiha, Rev. H. Lalmuanchhana leh Upa Dr. H. Lallungmuana-ten an sawi a, inkhâwm apiangin zaipâwl 3/4 an zai thin a. Ni 1.10.2022 (Inrinni) chawhnu dâr 1:30-ah Zaikhâwmpui hun hman a ni baw.

Tun tum Intawh Khawmah hian Aizawl khawpui pâwn khuah/vêng 183 atang leh Aizawl khawpui chhûng vêng 99 atangin palai an kal a; palai 1,046 riak lût in-report an awm a; palai upa ber chu Pu C. Thangruaia, kum 83, Chhingchhîp Mualpui Kohhran a ni.



SYNOD Newsletter

EDITORIAL STAFF

Rev. Lalbiaknia
Rev. V.L. Luaia Hranleh
Upa K. Lalnghinglova
Zohminglana Colney

Editorial

NAUPANG ENKAWL THAT

Rev. Samuel Wesley leh Susan-ite nupa khân fa an nei thahnem hle. An fate (Thuhriltu hmingthang, John Wesley-a te unau) hi sawmpakua an ni a. Susan-i hian a fate chu Lalpa Tawngtaina te, Thu sàwm pêk te, Bible chang pawimawh te, Biak In chhûnga awm dân tur te, sikula nun dân tha te a zirtîr hneh hle. Hêng bakah hian a fate chu a mal mala zirtîr nân ni hran a ruat thliah bawk. A fate chu rawngbâwltu ropui leh mi hlawhtling tak an ni fur mai.

Nu leh pate hian kan fate zirtîr, enkawl leh kaihhruai hi tihtakzeta kan tih chuan Pathian malsâwmna kan dawng ngei ang. Fa ngah kan awm ta mang lo, an zirna, silh leh fên, ei tûr kan lungkham nasa lutuk hian an nuna pawimawh zâwk, Pathian thu leh nun dân tha zirtîrna hi kan hlamchhiah phah em ni aw, tih tûrin kan faten nungchang tha leh Kristian nun dân tha an hloh mêk niin a hriat.

Naupang enkawl leh zirtîr thatah nu leh paten tan kan lâk a tûl khawp mai. Thufingte 22:6 chuan, “Naupang chu a kalna âwm kawngah chuan zirtîr ula, a upat hun pawhin a thlah lo vang,” a ti a. Kan fate kan enkawl leh zirtîr dân hi inen fiah a tûl khawp mai.

Kan fate hi Pathian thu zirtîr ila, lehkhahu tha chhiar ngaina tûr leh chhiar tam tûra tanpui an tûl hle bawk. Biak In leh ni tin sikula awm dân tur te, taima tura kaihhruai te, aia upa zah leh nun dân thate hi zirtîr an ngai hle tih i hre reng ang u.

MODERATOR PROGRAMME (November 2022)

Nov 1 (Thawhlehi)

10:00 am : Synod Social Front Committee

Nov 2 (Nilaini)

10:00 am : Synod Worship Committee
07:00 pm : SMTC Church Leadership Training hawnna

Nov 3 (Ningani)

07:00 am : Synod Revival Committee
01:00 pm : MPF General Body Meeting
06:30 pm : Governor Dinner & Cultural Programme (India President khual lawmna)

Nov 4 (Zirtâwpni)

10:00 am : Synod Partnership Committee
01:30 pm : Chhinga Vêngthlang Kohhran Silver Jubilee lawmna

Nov 5 (Inrinni)

06:30 pm : Zêmbâwk Kohhran

Nov 6 (Pathianni)

07:00 pm : Mission Vêng Kohhran

Nov 7 (Thawhtanni)

11:00 am : Synod Service Board

Nov 8–10 (Thawhlehi–Ningani)

10:00 am–4:00 pm : Synod Executive Committee

Nov 12 (Inrinni)

11:30 am : Thingsûlthliah Biak In thar hawn

Nov 13 (Pathianni)

01:30 pm : Armed Vêng South Kohhran
07:00 pm : Zârkawt Kohhran

Nov 14 (Thawhtanni)

01:30 pm : Nursery Vênglai Biak In thar hawn

Nov 15–17 (Thawhlehi–Ningani)

10:00 am : Synod Finance Committee

STUTI GEET HLA BU TLANGZARH : Ni 4.10.2022 (Thawhlehi) chawhnu dân 1 khân Stuti Geet Hla Bu, hla 250 awmna chu Rev. Dr Vânlalngâka Râlte, Synod Moderator-in Mission Vêng Kohhran Hall-ah Pathian hnênah hlânin a tlangzarh.

KRISTIAN NAUPANG LITERATURE CAMPAIGN: October ni 23, 2022 khân Ramhlun East Naupang Chawhnu inkhâwmah Kristian Naupang Literature Campaign neiin Tv. Zohmangaiha, Asst. Editor, SL&PB a kal.

WORSHIP : Ni 21.10.2022 khân Dârlâwnah Conductor Training pein Pu H. Lalrinmawia, Senior Instructor a kal a, Ni 2–4.11.2022 khân Ratu Bialah Zai Hruai Training pein

Nov 18 (Zirtâwpni)

12:00 noon : ATC Day

Nov 19 (Inrinni)

10:30 am : Kolasib Tumpui Kohhran Biak In thar hawn

Nov 20 (Pathianni)

10:00 am : Sairâng (Sairâng Pastor Bial Golden Jubilee)
06:30 pm : Chanmari Kohhran

Nov 21 (Thawhtanni)

02:00 pm : OM (Special Meeting)

Nov 22 (Thawhlehi)

07:00 am : Synod Service Board
11:00 am : MPF General Annual Meeting
07:00 pm : Châltlâng Kohhran (Unity Carol Service)

Nov 24 (Ningani)

10:00 am : Synod Executive Committee (Budget Session)

Nov 25 (Zirtâwpni)

Noagang/Ambassa (Tripura Mission Field)

Nov 26 (Inrinni)

01:00 am : Kânhamun Biak In thar hawn

Nov 27 (Pathianni)

06:30 pm : Tanhril Kohhran

Nov 28 (Thawhtanni)

07:00 am : OM
06:00 pm : Moderator Dinner

Nov 29 (Thawhlehi)

10:00 am : MPF & Political Party Leaders' Meet (YMA Committee Room)
12:00 noon : PBS Farewell & Dedication (Synod Conference Centre)

Nov 30 (Nilaini)

10:30 am : Mamit Bazar Vêng Kohhran Biak In thar hawn.

Pu H. Lalrinmawia, Senior Instructor a kal bawk.

DARLAWN TLAWH : November ni 3&4, 2022 khân Rev. V.L. Luaia Hranleh, Executive Secretary; Pi Sailûti, Chairman; Pi H. Lalfakmawii, General Secretary leh Pi Vânlalhruii, Vice Chairman-te chuan Kohhran Hmeichhe Inkhâwmpui Lian 2023 thlenna tûr Dârlâwn an tlawh.

ZIRTIRTU TRAINING : Ni 22.10.2022 khân Ramhlun Vêngthlang Kohhranah Sunday School zirtirtu training pein Pu H.K. Hmingthanzuala, Asst. Coordinator leh MSSU Trainer-te – Upa Lalthanchhûnga leh Upa H. Lalremruata-te an kal.

Râl Vêngtu

Râl Vêngtu chu a tawtawrawt hmangin chhim leh hmâr, chhak leh thlang lam hawiin a au va. "Mipuite u, in kawng zawh a dik lo. Kawng in bo ve. In kawng zawh en ngun rawh u. Chuti lo chuan, chhiatna nasa tak in hmabâk a nia. In kawng zawh thlâk rawh u," tiin mipuite chu a au tuar tuar a.

Mipuite chuan mak ti takin, "Râl Vêngtu, kan kawng zawh hi a dik lohna pawh kan hre hlei nê. Ni tin zan tin kan kalna reng alâwm, kawng kan bo hlei nê," an ti a.

Râl Vêngtu chuan, "In khawlai kawng leh khaw kêr kawng ka sawi lo. Nun kawng tha aţangin in bo a ni. Kawng dik chu in hre reng naa, in bo tlat si," tiin a au leh a.

Mite chuan, "A nih leh engtin nge kan bo tih i hriat theih?" tiin an zâwt a.

Râl Vêngtu chuan, "Kohhranah thawhlawm a luh that chuan in lâwm a, Biak Inah tihkzeta Pathian bia an lût tam si lo. Zu leh ruihlo in do va, hmun tina a zalên êm êm si. HIV/AIDS positive an tam tual tual a, mitthi hi hmeichhia aiin mipa an tam zâwk êm êm reng kum tin a, hui ham. Ram rethei, rorêltu hausa nih te hi in zak hauh si lo. Thawh chhuah phu lohva in lian leh ropui in sa ngîr khup a. In kawngpuite lah in hruiute leh mi thiamten an siam tlo duh dêr lo va. Nangmahni chênna tûr in in sak that tehlu nê, sawrkâr in man tam pui pui in sa chhe leh hle si a. Sâwta saw zirtîrtu hlauh tam leh mi thiamin, a thawhna sikul kal pêlin a fate chu private sikul, zirtîrtu naupang tê têtê thawhnaah a luhtîr zâwk saw! Nun kawng hi in zawh dik lo tih chu a lang reng alâwm. A dang pawh sawi tûr a tam lutuk," a ti a.

Mipuite chuan, "Râl Vêngtu, inen fiah kan va ngai ve aw! Zâwlnei pawhin, 'In kawngte chu chhût ngun rawh u,' a tih tak kha maw le," tiin hnua lam an melh ta reng a.

SYNOD HOSPITAL, DURLÂNG THILPÊK DAWNTE (September 2022)

I. CHARITY FUND

1. Shila, Kanan Veng, Aizawl	₹ 500
2. Thingdawl Pastor Bial Kohhran Hmeichhia	₹ 10,000
3. Thingsûlthiah Pastor Bial Kohhran Hmeichhia	₹ 10,000
4. Lungdai Kohhran	₹ 4,000
5. Zotlâng Kohhran Pavalai Pâwl, Aizawl	₹ 5,000
6. K.T.P., Melriat Pastor Bial	₹ 5,000
7. Govt. Primary School II, Durlâng	₹ 3,000
8. K.T.P., East Phailêng Pastor Bial	₹ 4,132
9. General Ladies Auxiliary Dept, Gen. Hqrs., UPC of Mizoram	₹ 50,000
10. Leitan Pastor Bial Kohhran Hmeichhia	₹ 3,780
11. Pu Laikûnga, Zêmbâwk North Field Vêng	₹ 2,000
12. Dr. Lalmalsâwma Nghaka President, Congress Thalai, Kulikâwn	₹ 5,000
13. Lalmangaihi, Vênghnua, Aizawl	₹ 10,000
14. Pu Zodiniana, Mission Vêng	₹ 1,500
15. Hnahthial Pastor Bial Kohhran Hmeichhia	₹ 2,010
16. West Phailêng Dinthar Kohhran	₹ 8,120
17. Pu Lalmachhuana fanu – scholarship a dawn aţangin	₹ 2,000

II. THISEN PETUTE

	Unit zât
1. K.T.P., Bethlehem Vênglai Branch, Aizawl	55
2. K.T.P., Kanan Vêng Branch, Aizawl	42
3. K.T.P., Tuikual North Branch	34
4. The Dean, ATI, Mizoram UPC, Durlâng	36
5. K.T.P., Tanhril Pastor Bial	55
6. JC Security	26
7. YMA, Zêmbâwk North Branch	49
8. YMA, Khatla Branch	57

III. THIL DANG PETUTE

1. Zonum Kohhran Hmeichhia, Aizawl – Physiotherapy Ward tân table 1 leh Palliative Ward tân pillow case 43
2. VTR Computer Centre, Khatla – An Centre Silver Jubilee pualin Computer UPS (Frontech 725) 10.
4. Ramhlun Vêngthar Kohhran Pavalai Pâwl – Thutthlêngsei (Bench) 8.
5. Dept of Biotechnology, Mizoram University – K. Ward tân Samsung TV, Samsung Mobile Handset, Steel Chair pahnih.
6. K.T.P., Zârkawt Branch – Choka-a hman tûr Cooker (50 litres) pahnih.
7. K.T.P., Tuidam Pastor Bial – Thutthlêngsei (Bench) 5 leh hmunphiah.
8. Pi Sângliani leh a chhûngte, Kâwlkûl – Refridgerator 2, thutthlêngsei ngenchhan nei (cushion telin) 1 leh leilawn 1.
9. YMA, Tuikual North Branch – Mitthi khuhna puan 15.
10. YMA, Electric Vêng Branch, Aizawl – Mitthi khuhna puan 40.
11. Pi Lalawmi leh a fate, Lungdai – Hospital College of Nursing Auditorium platform siam nân ₹50,000/-.
12. Kulikâwn Vêngthlang Kohhran Pavalai Pâwl – Hospital Compound sâm faiin ni 23.9.2022 khân an member 23 an rawn hnatlâng.
13. Pu Lalzuiliana Thâwmte, Deputy Registrar, MZU – College of Nursing tâ Cambridge Advance Learner's Dictionary tha tak.

V. PAWISA DAWN ZAWNG ZAWNG ₹1,76,042/-

Rev. R. Ramdinmawia, Chaplain

SYNOD MODERATOR-IN BANGALORE MIZO KOHHRAN LEH UTC A TLAWH

Rev. Dr. Vânlalngâka Râlte, Synod Moderator chuan September ni 17–20, 2022 chhûng khân Bangalore Mizo Kohhran (Bangalore Mizo Presbyterian Church) leh United Theological College (UTC) a tlawh a. Ni 18.9.2022 (Pathianni) zîngah Moderator ho hian Synod ram lei tûra hual lâwk chu tlawh a ni a. Bangalore khawpui lailia awm, sumdâwnna hmunpui chhûnga awm a ni a, daihzai taka hman theih tûr building lian tak a ni. Pathianni chawhnu kohhran Pathian biak inkhâwmah Moderator-in Pathian thuchah a sawi a, Kohhran Zaipâwl an zai baw. Inkhâwm bânah Moderator pualin thingpui ruai kîl ho a ni.

Synod Moderator hian ni 18.9.2022 (Pathianni) zânah UTC Community inkhâwmah Mizoram Synod aiawhin UTC chibai bûkna thu a sawi a ni.

Ni 19.9.2022 khân UTC Principal nê inkâwmîn Synod leh UTC thawh dunna thil pawimawh tak tak te, doctoral programme chungchâng te an sawi a. UTC hian Kohhran Chanchin zirtîrtu tûr mi thiam (doctorate

degree nei) an duh avângin Synod-ah an dîl a. SEC chuan Rev. Lalfakawma Râlte a dah a, UTC hian quarters tha tak pein an lo duhsak hle nghe nghe a ni. Moderator pawhin hemi kawngah hian lâwm thu a sawi a. Tin, Bangalore-a Presbyterian Kohhran a din aţangin UTC Hall chu inkhâwm nana hman a nih avâng leh kohhran thilah UTC chu a ţangkai thîn avângin lâwm thu a sawi baw.

SHSS JUBILEE RUN: Ni 29.9.2022 zîng dâr 6 khân Synod Higher Secondary School Diamond Jubilee Run-ah thawktute bâkah zirlai 1,200 chuang an tlan a, tlan hmain School Ground-ah Pi Zirkûngi Chhakchhuak, Principal kaihhruiin hun hman a ni. Pu Lalchandama Râlte, Hon'ble Education Minister-in Jubilee Run-a telte hi a vai liam a. P.C. Girls School Ground-ah Pu P.C. Lalrinpuia, Vice Principal kaihhruiin Jubilee Run

hun tâwp hi hman a ni. Diamond Jubilee Run-a tlan hian Jubilee T-shirt an ha vek a, hêng mite hian T-shirt man an tumsak a ni: Pu Lalrochuanga Pachau, LPS Family – ₹1,00,000; Printline, Kulikâwn – ₹50,000; Pu V.L. Zaithanzâma, MLA – ₹10,000; Pu L. Thangmawia, MLA – ₹20,000; L.B. Associates, Bûngkâwn – ₹50,000; NECS – ₹5,000; Pu Lalthanmawia, Ex-Student, Tuikual North – ₹10,000.



PRISON MINISTRY

Sept. 29–Oct. 2, 2022 chhûng khân Sêrchhîp District Jail, Chhiahtlângah crusade buatsaih a ni a, Speaker-ah Pu Lalţanpuia, Kraws Fate Team hman a ni.

CAMPUS MINISTRY

Ni 5.10.2022 (Nilaini) khân Lunglei Bazar Kohhran Hall-ah 'Tleirawl Tha – Kohhran leh ram tân' tih thupui hmangin Synod Campus Ministry chuan Symposium a buatsaih a. Lunglei khawpui chungah kohhran aiawh mi 61 an kal. Resource Person-te chu T.Upa K. Lalêngzâma, Laipuitlâng leh Upa Lalnunsiam Khâlthang, Chhinga Vêngte an ni.

FINANCE

Oct. 22&23, 2022 khân Phûllên Bialah Finance Campaign neiin campaigner-te – Upa R. Dêngzîkpuia leh Upa C. Lalbiakthanga-te an kal.

KOHRAN HMEICHHIA

November ni 3&4, 2022 khân Kohhran Hmeichhe Inkhâwmpui Lian 2023 thlenna tûr Dârlâwn tlawhin Rev. V.L. Luaia Hânleh, Executive Secretary; Pi Sailûti, Chairman; Pi H. Lalfakmawii, General Secretary leh Pi Vânlalhruaii, Vice Chairman-te an kal.

GLORIFY 22 BUATSAIH DAWN

Central KṬP chuan ni 20.12.2022 zân khian AR Lâmmualah **Glorify 22** a buatsaih dawn a. Rimawi hmanga Pathian chawimawina hun hman a ni ang. Glorify 22-ah hian Praise On 2016-a Top 3-te, tûna Praise On intihsiaik mēka Top 3-te bâkah Stacy V.L. Muanpuii, Boys of God, Seraphic Choir, Mizoram Synod Choir, One In Christ, Super Trio, Jerry Lalrinawma, Israela Pachau, Vânlalroluhtumi leh Saitluangpuii Sailo-te zai tûra beisei an ni.

KOHRAN PUTLINGAH HLANGKAI

October ni 30, 2022 (Pathianni) khân Assam Mission Field-a Jopoubari Kohhran chu Rev. Billy Lalrinchhana, Field Secretary-in kohhran putlingah a hlângkai. He hun hi kohhran mipuiten an ngaihlû hle a, Biak In khatin an inkhâwm a. Inkhâwm bânah ruai an theh ngaihlû a ni.

SACYN 2022-AH CKṬP AIAWH AN TEL

South Asia Christian Youth Network (SACYN) Annual Training & Core Group Meeting chu October ni 21–25 chhûng khan Malaysia ram khawpui Kuala Lumpur-ah tluang taka hman a ni a, Tamil Methodist Church of Malaysia leh Evangelical Lutheran Church of Malaysia-in an thleng a ni. Palai 23 kal zîngah Central KṬP aiawhin Tv. Lalringheta, Asst. Co-ordinator i/c KṬP, Synod Office leh NI. F. Lallianzuali, Committee Member-te an tel. SACYN hi rawngbâwlna kawnga CKṬP thawhpui an ni a, Asia khawmualpui chhim lam ram – India, Pakistan, Myanmar, Bhutan, Sri Lanka, Nepal leh Bangladesh Kristian thalaite inthlun zawmna a ni. He pâwl hi kum 2002 khân Bangalore-ah din a ni a. He pâwlin a tum ber chu Asia chhim lama Kristiante, Pathian ram zau zêl nâna intihchak tawn leh inpumkhat a ni. Kumin thupuih 'Rebuilding our broken walls – reflect, renew, restore' tih hman a ni.



ROKUNGA KUTZIAK HLA BU SYNOD ARCHIVES-AH HLAN

November ni 2, 2022 (Nilaini) chawhnu dâr 2:30 khân Rokûnga chhûngte leh Rokûnga Memorial Society-ten Pu Rokûnga kutziak hla bu (manuscript) pahni chu Mizoram Synod Archives-a vawn that tûrin an hlan.

Hlanna inkhâwm tawi hi Synod Office Devotion Room-ah hman a ni a, Synod Executive Secretary zinga Archives changtu Rev. V.L. Luaia Hânleh a kaihrui a, Pu Rokûnga fanu Pi Lalêngin chhûngkaw aiawhin thu a sawi a, Rokûnga Memorial Society aiawhin Pu Rochâmliana, Secretary-in thu a sawi bawk.

Hla phuahtu Rokungan a kutziak ngeia a hla phuah zawng zawng a ziah chhuahna hla bu pahni, kum 1942 leh 1950 bâwr vêla mi, manuscript hlu leh pawimawh tak mai chu Rokûnga fate zînga la dam mi pathumte leh Rokûnga Memorial Society hruaituten Rev. V.L. Luaia Hânleh hnênah an hlan a. A duh apiang tân thusawina hun

hman zawhah Pu John Lalhruiatluanga, Synod Archives Asst. Coordinator-in Synod Archives aiawhin lâwm thu a sawi a ni.



He hunah hian Pu Rokûnga chhûngte leh Pu Rokûngan a lo kaihrui thinte, Mission Vêng Kohhran Upa thenkhat leh sâwm bîkte an tel a ni.

HNAHTHALAH SYNOD BOOKROOM BRANCH THAR

Ni 1.10. 2022 (Inrinni) chawhnu dâr 1 khân Synod Bookroom, Hnahthial Branch chu Rev. V.L. Luaia Hânleh, Executive Secretary i/c PRESCOM, Mizoram Synod-in Pathian hnênah hlânin a hawng.

Hemi hnu hian Synod Bookroom dâwr leh stockroom atâna in lei thar, Hnahthial Bazar-a mi chu Rev. V.L. Luaia Hânleh vêk hian Pathian hnênah hlânin a hawng ngal bawk.

